

RÖPL.

137

1532

Kertbeny 435

Fluß was Ursache Gott

dem Türcken verhengt das er die Christenheit so starck
vber zeucht vnd mit blütdürstiger hand/ermorde
verfolgt vnd hin wegt fört.

Darneben ein hertzliche ermanung an all Christlich
gemüt/Got den almechtigen mit ernst vmb hilff
zü bitten vnd an zürüffen:

Mit auslegung des spruchs Osee am vierten spricht der
Herr. Es ist kein warheit. Es ist kein barmherzig
keit. Es ist kein gerechtigkeit. Es ist kein küst
mehr auff der erden Gottes. Osee am iij.

C Gemacht durch Wolffgang Cangler allen
Christen zü güte vnd nütz.

Stehe ab vom bösen vnd thu güts.
Psal. XXXIII.



Allen liebhabern der

warheit wünsch ich Wolfgang Cantzler barmherzigkeit
frid vnd einigkeit von Gott vnserm vatter durch Jesum
Christum seynen Son vnsern Herrn/ mit genad des heylig
en geysts/ Amen. Aller liebsten im Herren/ Gott spricht
durch den Propheten Isam am 4. capit. Es ist kein war
heyt. Es ist kein barmherzigkeit/ Es ist kein gerechtigkeit
Es ist kein kunst mer auff erden. Das verursacht Got dar
zu lieben freünd/ das er dem Türcken verhegt/ vñ vber die
Christen lest ziehen/ wir wollē Christen sein/ vñ thū doch
der werck nicht/ wir haben vns so fern vom weg der war
heit verirrt das wir schier nit wissen/ wo wir auß/ was wir
glaubē/ vñ was wir thū soltē/ dz last vns jr fromē Christē
betrachten/ vñ zu hertzen nemen. Vnd Gott den almech
tigen im geyst in der warheit mit ernst vmb hilff anruffen
vnd betten/ das er sich vber vns wöl erbarmen/ vñ seinen
zorn von vns abwendē/ vñ vns vñ Türcken errettē/ dā es
ist warlich sein geysel. Er kñ in wol vber vns lassen vñ vns
da mit straffen. So kan er in auch wol im augenplick an al
le wdz vor vns schlagen. Darumb so hab ich den Spruch
des Propheten für mich genomen/ vñ zu nütz vñ gut allē
Christlichen hertzen/ Ein wenig darvon zu sagen/ ob wir
vnser sündlich leben noch besserten vñ stünden ab vom bö
sen vñ keretten vns zu Gott/ vñ thetten guts.

- I. Von der warheit.
 - II. Von der barmherzigkeit.
 - III. Von der gerechtigkeit.
 - III. Von der kunst.
 - V. Von der trinckenheit.
 - VI. Von der Bawien vntrew.
- Wolff Cantzler ein vnnützer knecht des
Herrn.

Von der warheit Isce

Am iij.

Es ist keyn wunder lieben fründ. Ds der Türck die
Christenheit/ zu vber ziehen/ zu verfolgen/ vñ zu
verderben sich so starck vñd grausam vnterwind
vñd ye lenger ye hefftiger wider ansicht/ was darff
man weyt darnach fragen/ vñd viel wunders vñd
segens/ was bedarff es lang aufrechnens/ vñd weit hin
vñd wider lauffen/ warnō es doch kum/ vñ wie es doch zu
gehe/ das keins auffhörens da ist. Sehen wir vns nur selbs
an/ vñd brüffen vñd ersuchen vns woll außwendig vñd
inwendig/ was wir doch für ein leben führen/ mit liegen vñd
betrüegē wie so gar kein forcht/ kein lieb Gottes vñd des nech
ste mer bei vns wil sein/ wē wir daran gedechten/ so würdē
wir on zweiffel wol gewar der vberschwēcklichē/ greulichē
grossen lasten vñd sündē. Darinē wir ersoffen vñ ia biß in
die hell hūcyn gefallē/ welchs bey vns vñ mit vns selbs on
Gottes gnad vñ hilff/ widerüb auff zu stehē/ vñ herauf zu
kōmē vñmüglich ist. Sehē wir nur an die grossen vntrewē
die in d ganzē welt vnter jungen vñ alten regiert vñd eyn
gewurzel hat. Secht an das groß huren/ das schendlich
zu trincken/ das lasterlich vnzelich fluchen vñd schweren/
das täglich liegen vñd betriegen/ wie so gar kein warheit/
wie so gar kein lieb/ ia wie so gar kein forcht Gottes bey allē
menschen kinder mer erfunden wirt/ wil geschweygen der
lieb Gottes vñd des nechsten/ die wir auß Christlicher vñd
bruderlicher trew vñd lieb/ ja auch auß Götlicher vñd vāt
terlicher forcht an einander zu beweisen schuldig weren/ nu
ist es doch so gar offentlich am tag/ das wir vnser sünd vñd
blintheit/ vñ vnser erbärmlich leben möchten sehē mit hē
A ij den

den greiffen/wil geschweygen das wirß mit augen woll sehen/vnd vns dennoch nit wolten bessern.

Das ich gleich wol oft gedenc̃t an den Spruch/ welche der Herr durch den Prophetē Oseam am iij. selbs redt vñ spricht.

Es ist keyn warheit/Es ist kein barmherzigkeit/Es ist keyn gerechtigkeit / Es ist kein künfft mehr auff der erden Gottes.

Wol an wir sehens vnd merckens/nur allein mit dē Türcken/das vns Gott trewlich ermanet vñnd gewarnet/ das wir vns solten bessern/vnd abstecken von sünden. Haben wirß dan nit gesehen/wie grausam sehr starck vnd mechtig der Türck im dem Neim vñnd zweynzigsten jar/schir das gangz Osterreich verhört/vnd die Stat Wien so starck belegert. Vnd wie erbarmtlichen er das Christen blüt vergossen/die kleinen kinder/vnser fleisch vñnd blüt ermort/gespißt vñnd erhaunet/ vñnd vber das alles/das arm volck/man vñ weib/knecht vñnd juncckfrawen/vñ wer jm nit enträumen/auch was er nit mit seyner wütrerten blütdürstigen hädte erwürgt/hat er doch peinlich mit aller vnzucht hinweggeführt.

Welchs wir billich/so anderst ein fincklein Götlicher forcht vñnd lieb in vns wär solten beherzigen/vñnd gedenc̃ken wie väterlich vns Gott ermanet/vñnd sein rüetere gezeiget als het er selbs mit vns geredt/vñ gesprochen. Sihe Sün/sihe hie ist mein geysel/der Türck/den brauch ich zu meiner rüetere. Ich laß in vber dich ziehen/vñ dich straffen/wirßtu aber abstecken von sünden/vñnd dein leben bessern/vñ wirß dich zu mir keren/vñnd mich allein vñnd gnad vñnd hilff bitten vñnd anruffen. So würdt ich mich auch zu dir keren vñnd dein gebet

gebett erhören/vñnd dir helfen vñ vom Türcken wol erretten. So du aber mein ermanung nit wirß war nemen/vñ mich nit fürchten/noch dich nit bessern/vñnd möchtest gedēcken in deinem hertzen/vñnd sagen/ Ey der Türck kompt noch lang nit/wer ich die weil reich/hett ich die weil genüg gelt zu zele/so wolt ich wol bestee/es sein jr noch vil vor mei Er hat noch weit her/das ist vnser anschlag/mit dem gehē wir vñnd es günt doch keiner dem andern nichts güts.

Nu wol an was wirt aber Gott dar zu sagen/dieweil so gar nichts helfen/vñnd gar kein besserung da will sein/das wirt er eben thün vñnd sprechen / Ich sehe doch wol das an diesem volck nichts wil helffen/sie wöllen mich gar nichts fürchten/sei wöllen sich gar nichts bessern/wöllen auch nit ablassen von irem müetwillen/noch mich iren Gott vñnd Herrn warhafftig erkennen/ noch sich zu mir keren/auff das ich in hilff. Vñnd die weil sye mich iren Gott habē verlassen/vñnd sich von mir gewendet/ vñnd nach wollust ihres hertzen leben/vñnd ymmer noch weltlichen zergenglichen ehren vñnd gütern trachten/So wil ich mich auch vñ in wenden/vñnd meinen grymen an in auß lassen/dz sie mus erkennen/das ich der Herr jr Gott noch lebe/ vñnd es alles noch in meyner macht stehet/die sünden zu straffen vñnd noch/heut des tags jr missethat heym zu süchē/ja auch an iren kinden/bis im dz drit viert geschlecht. Es ist doch keyn warheit/kein glaub/kein trew mehr vñnter in/ sie ligen all im argen/vñnd gehen all mit vñntrew vñnd ligen vñnd die gerechtigkeit gilt nit mehr bey jnen.

Nu vatter so sey es dir geklagt in ewigkeit/ Wie es so gar niemant war nympt deiner väterlichen trew/vñnd ermanung/vñnd wie so gar niemant sich an deinem wort bessert/jha gar wenig sein deren die in dich hoffem/

A iij vñnd

vnd vertrauen/yederman aber zert vnd reißt/ leugt vnd treugt/wollen all hungers sterben vnd verderben.

Was ist's ursach das alle ding auff's höchst komen vnd auff's teuffst ist worden/darff niemant fragen/wan wir in Gott hofften vnd auff in vertrauten. So wird alle ding retlich genug da seyn. Die welt aber gehet yetz nur mit vorteyl vnd lügen vmb/vnd vertritt niemants auff Gott/ja wir vertrauen an einander selber nicht. Der Chriſt wort solten sein/ja ja/vnd neyn neyn/was daruber ist das ist vö argen spricht Christus. Matthai. 6. So seind sie schier eytel lügen Gots lesterung/als Fräzosen/Pestilenzgen/Välte/leyden/vnd wunden/das nit wunder wer das erdtrich etet sich auff/vnd vertilget solch lesterer im augen plick.

Wen schon ein ersame oberkeyt auß Götlicher lieb vnd forcht/auch zu merer besserung/trew vnd lieb Gottes vnd des nechsten. Ein mandat etliche laster vnd sunden als hurerey/spiele/gozlestern/zü trincken vnd der gleichē/ernstlich leßt gepieten vnd auß gehen/auch die vberreter d selbigen zü straffen fürnympt/so verlacht vnd verspott man sein nür/man helts auff drey viertag/dar noch ist's ebē des ersten verbubens/des verthor vnnütz volck vnd Pofel/verstehen sein nicht / kundens nicht erkennen das es die oberkeit auß güttler getrewer vätterlicher meynung thut/ vnser leben dar mit zü bessern vnd Gott zü fürchten noch will es als nichts helffe. Es ist so gar kein lieb/kein trewe noch forcht mer bei vns/ja viel weniger den bey den Türcken.

Wir wissen das vns ein oberkeit von Gott dar zü verordnet vnd auff gesezt ist/das vbel zü straffen vnd züm güttlen zü halten/derē wir auß Götliche ordnen vnd befehl/willig gehorsam vnd vnterthenig solten sein/den sie ist vns ye
von

von Gott dar zü verordnet/das wir jr solten gehorchen/vn yem gepieten getrewlich nach komen. So folgen wir mer dem teuffel vnd seinen gesellen/den vnsern getrewen oberherin ja fürchten vns auch vor Gott nit mer sunden. Vnd ob wir vns ye vor Gott odder der welt nicht wolten fürchten/Ey/mochten wir vns doch gegen vns selber schemen/anschen das gebildnus Gottes/ vnd vns vorder sünd entsetzen/die wir so müßwilligklich vnd so freuelich wider Gott vnd vnser selen seligkeit verbrängen/vnd die weil Gott kein vbel vngestraft leßt/so solten wir vns doch pillich vorder pein der sunden vnd der hellen fürchten vnd scheühen / Es wil aber als nichts helffen / Es wil weder lieb noch forcht/kein trew/kein besserung mer da sein/vnd die weil so gar nichts wil angelegt sein/auch d Türck nit wil an vns helfen / so wirt dennoch zü letzt der kömē/vmb dē wir alle musen geben/der ist der recht weg vnd die warheit. Joh. 14.

Es ist keyn barmhertzig keit mer. Osea. 4.

On der barmhertzigkeit weiß ich nit viel zü sagen/dā es ist kein trew mer in der welt/wie wolt sie dā barmhertzig sein/solten wir vns an einander erbarmen/so müßten wir auch nit so vntrew vnd so neydg vber cynander seyn.

Christus heißt vns barmhertzig sein / gleich wie sein himelischer vatter barmhertzig ist. Matthai. 6. Das künde vnd möchten wir wolleychter sein vnd thun. Dan das wir so aneinand verratten/neidig vnd heßig seyn/vnd dar zü einer dem andern nichts güts gunt. Wer spricht Christus/
das ey

das einer dem andern sein feyl odder schuld sol verzeychen/
So werd vns Gott auch vnser sünd vergeben vnnnd nach
lassen. Diweil wir aber vnsern nechste brüder/seyn schuld
vnd sâl nit wollen nach lassen vnd verzeychen /wie sol vns
den Got vnser sünd nach lassen vnd vergeben.

Darumb ist der spruch wol war. Osee. 4. Es ist kein
barmherzigkeit mer auff der erden des Merien / es erbar
met sich yetzundt keiner des andern / weys er sein nit zû ge
niessen / so ist er weitter nit sein chrißlicher brüder / den mit
worten / vñ mit dem maul kan er ja wol helfen / da ist er ein
gütter Christ vnd euangelischer / wo es aber die nort erfor
dert / dz er dem armen seinem nechste bedürfftigē mit güt
gelt / vñ fürsetzung hilfflich solt sein / da kan er nichts vō sa
gen / da weys er nit ewigeltich zû sein / vñnd ob er gleich mit
augen wol sieht / dz der arm leydet / beschwert vnd vil kînd
hatt / in viel angst vnd not ist / vnd erwan nit schaffen oder
sein narung gewinnen mag / noch dennoch so ist keins er
barmes da / m̃a thut eben sam sey er ein frembder vñ heyd /
ob er gleich ein heyd od frembder wer / so wârd wir ym den
nocht von Gott schuldig zû helfen / aber yetzundt hilfft man
vil mit wortenn / an pfandt aber so hatt man kein gelt. Es
wil yederman verzagen vmb der einigen bauch fül wegē.

Man find das bey den alten gar kein sorg der narung ge
wesen ist / vñ haben dennoch volauffrätlich genûg gehabt /
haben den armen ellenden geholffen / vñ in ire behauffung
genommen nach dem befehl Gottes / yetzundt aber so stößt
man sye zûm thor hinaus / also lieb hat man sye yetz / man
hat sye weder auff der gassen noch in d̃ stat gern / weniger
dan den armen Lazarum. Vnd ist doch das himelreich der
armen / Ich rede aber hie nit vō den starcken / faulen bett
lern / wie man noch möcht finden. Die darauff müßig vmb
gangen

gant / vñ sich auff die horten arbeyter legen vnd inen das
ire ab nemen vñnd schweze / die selbs wol möchtē schaffen
vñ ir brott gewinnē / sond̃ vō denē redt ich / die arm / lam vñ
kräck seind / schaden vñ löcher haben / dar zû wed früt noch
güter / vñ sinst auch nichts habē / vñ bey niemāt kein zûflu
cht noch hilff wissen / kinder habē / vnd nichts dar bey / vnd
die wed schaffen noch arbeitē kîndē / dē wer man schuldig
zû helfen / den das hymelreich ist der armen. Matthai. 5.
Das wer die rechte barmherzigkeit.

Vonn der gerechtigkeit

Osee. iij.

Es ist kein gerechtigkeit mehr außerdē Spricht d̃ Pro
phet Osee. iij. ja wo ist gerechtigkeit / ich glaub das
sie hab auß d̃ welt müssen entlauffen / vñ auff d̃ gāzē
erden nygent kein bleibē gehabt / dā mā tā sie ja nymer spi
ren noch mercken / süchen wir sie bey den priestern / die irem
stād nach from / gerecht / vñ einfeltig soltē sein / So sorg ich
die weil ir hertz / syn / vñ gemüt / so gar auff eygen nûtz / ann
zeitlichen gütern vñ erē hengt / so seind sey ebē die erstenn /
bey denē gerechtigkeit nit hat kîndē wonē / ja auch nit bey
den yetz beriempten euangelischenn / welche gerecht vñnd
vnstrefflich wöllē sein / bey denē mer schmeihen liegē vñ trie
gen ist / dā gleich bey den altglaubigē die doch iren irthumb
selber bekennen / das sie in etlichen mißbreüchen geirret / vñ
die welt dar durch verfür̃t worden. Die neuen euāgelische
aber wöllē mit gewaltigē troze vñ pochen / gerecht / from /
vñ on nach red sein / bey denen noch kein besserig gesehē od̃
gesundē ist wordē. Ich find auch noch ein klein vnder scheid
auff beider seitten / dā dz vnter dē beriempten euāgelischen
predigern / grösser betrügerē / schmeichlerei auch neid vñd
haß / erhört / gesehen / vñ gemerckt wirt / dā bey dē altē glau
bischen /

bischen/darumb man pillich k̄a sprechen/Es sey kein gerechtigkeit/kein warheit/kein rechter glaub mehr bey dē pfaffen/jaminder dan bey den Türcken.

Nun ich befelh es Got/der dz vntraut zu lesst wirt auß reüthen/wā die oberkeit/die gerechtigkeit vñ warheit lieb hat/vō hertzen gern sech/das sie recht lernetten vñ predigten/vñ nach iren Worten thetten/dem volck ein güts exempel vortriegen/das man sich daran künde bessern.

Dan es ist zu bescheiden/die viel noch nicht vil güts dar auß kōmen/je sacht sey nür auff einen sand bauwer/vñ werden vil verfür durch sy/vñ gar nahent die aller welt weisfisten/welche schir in hymel erhoben/vñnd dar durch bis in die vntersten hell gefallen/welchen niemāt hat wol durffen ein reden/dāñ sy wōllen mit iren polliceyen auch von dem obersten haupt vngetadelt seyn.

Es ist on zweiffel das etlich stendes reichs/Gott ein wol gefellig Christliche vñd gortz forchtige ordnung in iren gepieten/vñd landen auffgericht vñd geordnet/Vnter welcher Got dem almechtigen zu lob vñd zu ehren/etlich mißbreuch vñd gortz dienst ab gestelt/vñ furter an ein gortzforchtigs gortz seligs vñd chustlichs leben auff zu richten/vñd zu machen/Das sein Gotlicher nam dardurch geheiligt/vñ warhafftig gepredigt werd/vñd das abentmal des Herrn nach dem waren befelh Christi recht gehalten.

Dar bey etliche laster vñnd sünden/als hūterey/gortz lesstern/zū trincken/trunckenheyt/vñd was des gleichē mag sein/vnter jnen nit gedulden noch gestatten/wo aber einer vnter jnē/in solchē lastern wurd ersüdt/vñ sich nit daruō wolt weisen lassen/vñ sein nit abstehe/8 wūrdt bey jn ernstlich gestrafft vñd außgeschlossen/vñd kein bleiben haben. So er aber sein leben bessert/vñ sich der sünden masset/vñ sein abstehet/Dāñ mag er bey jnen wol wonen.

Don

Von der Kunst Vsee. iiii.

Er spricht Gott Vsee am. iiii. Es ist kein kunst mer auff erden. Es ist ja war/dan die kunst etwas zu lernen/zū machen o8 zu schreiben/ist ein geistliche gab Gottes/wie S. Pauls schreibt/Es seint mācherley āmpter/aber es ist ein Herr. 1. Corin. 12. Einem ist geben weiß zu sagen/dem andern zūngen auß zu legen/der gemein zu nütz vñ zu gūt/vñd das thut/vñd teyle auß 8 einig ewig Got/eim yedliche nach der ma8 wem er wil.

Warū vnter stehen sich dan so vil vō glauben zu schreyben/dieweil sy es doch kein befelh noch kunst von Got nicht haben/Es sein 8 scribentē so vil wordē/als 8 sturcttē hūd/ein yed 8 wil 8 geleert sein/wōllen all vō glauben reden vñd schreiben/vil lernen vñd gūt rāte geben/vñ redet doch selten einer auß dem befelh/vñ munde Gottes/Sie schmechē vñd schenden mer anander/dan das sy etwas Chustlichs predigten o8 schryben. Dar zu so richten sie aneinand auß wie die gemeinen weiber/das man wollt an sagenn/weil schmechen vñd auß richten recht wār/So weren die Holo pyper nach gūt prediger bey jn/die kundertē König Fursten vñd Herrn wol auß richten vñd schmechen/die rechten Apostel aber/die iren beruff vñd befelh von Christo hetten haben nür einfeltig gelernet vñd diemütig gepredigt/den rechten weg der warheit/wo man sy nit hat wollen hören/sein sy so bald von dannen gezogen/nie man nach geredt. Christus hats jn auch also befolhen/vñd gesagt. Matth. 10. Wer euch hört der hört mich/vñd wer euch nit hört 8 wūrdt auch mich nicht hören/Das wer noch auff den heütigen tag recht vñd Gott wol gefällig. Das man mit aller diemütigkeit einfeltiglich das volck vnter wyß vñd lernet/vñ

B ij prediget

prediget/den rechten weg der warheit/der wer noch wol so
leycht zů lernen vnd zů thun/als vor tausent jaren/dā Got
ist eben als wol gerecht/barmherzig/güttig/vnd getrew/
als gleich vor tausent jaren. Er wer auch eben als wol ge
neigt vnd gütwillig vns zů hören/vnd zů helfen als gleich
vor tausent jaren.

Sonder Trunckenheit

Ich kan ich nit wol fur vber gan/Ich muß auch vō dē
vorchristlichen laster der trunckenheyt sagen/wie das
vnmenschlich zů trincken/füllen vñ sauffen/bey vns
teütschen so gar vberhand genomen/vnd die ganz welt be
fessen/das es bey jungen vñ bey alten/so gemeyn ist wordē/
welcher ietzt wol sauffen vnd zů trincken kan/8 wird darūb
gelobet/das ich nit andst kan gedencken / Die welt fürcht
Gott nicht mehr/bey den alten ist das laster 8 trunckenheit
ein sünd vnd verschmechung gewesen/bey vns aber ist es
ein freye kunst vñ wolstādt/wer yetz wol sauffen vñ zů trin
cken kann/8 ist ein freyer dapffer gesell. Man sieht es doch
schir an allen orten/zieh einer gleich das ganz Teütsch
land auß/kumb hin wo er wol/So trinckt vnd saufft man
als wōles den hals gelten. Es ist an etlichen ortē / wo einer
die wochen halbe schafft/so ist er die halb zūm wein/wz ist
den wunder/das man arm ist/vñ nichts jm hauf hat/ mā
bedarff leycht fragen/wo es hin kumbt/Es ist etlichen nit
recht/wā sy nit all tag zūm wein seind. Es schmeckt jn der
wein nit den zūm wirt/Sy trincken vil lieber vmb ij. pfen
nyng teurer bey den gesellen zūm wirt/dan mit weib vñ kün
dern da heym/da es jn erlicher wārdt.

Der gemein mā beklagt sich/er sey beschwert von 8 ober
keit/wil aber dar bey nit erkennen/ sein verthons lebē/mit
dem er sich selber verderbt/dan es kan ja keiner sagen/dz jn
seyn

sein oberkeit verderbt. Es wer on zweiffel 8 oberkeit lieber
sie behielten dz jre/vñ furten nit also ein vertrucken leben.
Dā dz sy so zū wein ligē/tag vñ nacht vol sein/spilē/sauffē
vñ huren / als sey es 8 zehen gepot eins/ wo man dā so gar
nichts behalten wil / vnd 8 arbeit nit obligen vñ nach tū
mē/da wil auch nichts ertlecken/vñ ist keins auff kūmens.
mehr da/so wil man dan die oberkeit mit beschuldigen/
dā mā sich yetz wol jr vertruckē/verspilte/vñ vorthon leben.

Nat mā doch vor tausent jaren/8 oberkeit jr gült rent
vñ ein kummen trewlich gereicht vñ gebē/des mā auch vō
Got schuldig ist/vñ Christus selbs gepotten hat/vñ ist den
nocht volauff genugsam vorhanden gewesen/was ward
aber die vrsach. Sy vertrucken/verspilten vnd verhürtē
das jre nit so schendlich/hēctē es auch nit also an die kleyd
legte nichts auff die hoffart/welches alleyn den edel leutē
vñ den reichē vñ wolhabeten zů stehen hielte auch ein Chri
stlich vñ Gott forchtig leben/ es halff einer dem andn hin
über/forchten Got/vñ waren 8 oberkeit willig/gehorsam
vnd vnterthan/da ward reichlich aller ding genug da/dz
wārdt auch noch auff den heuttigen tag wol zů vberkūmē/
wan wir recht Christlich lebten.

Sonder vntrew der

Bawren.

Ich muß hie auch auß nōtten ein wenig von 8 baw
ren grossen vnzucht/hochmūt/vñ vntrew reden/ sy
beklagen sich dz wildt thū jn schaden/welches an etli
chē ortē wol nit on mag sein. Jedoch so ligen sy allenthalbē
in stettē vñ dōssern schir tag vñ nacht zū wein/vñ sein mit
vntrew vñ mit hochmūt/mit trinckē/mit spilē vñ vnzucht
weyt vber dē hādwercks man/ Es grolt jn 8 bauch/sy pū
men wie die Beren/sy habens ein wenig vber kūmen/vnd
B iij das

das mit irem vntrewem verkauffen vnnnd schinden/haben
gelt/koren/habern/holtz/schmalz/hyerner vnd eyer/vnd
kan es niemāt vmb ein zimlichen pfenning/vñ in bekūmen/
mā muß ins alles doppel vber sylbern vnnnd bezalen/das in
schier wed reich noch arm kan recht ab kauffen/Es muß
ee d teuffel süß hin weck füren/ee sy es ja gleich schon d her
schafft od süß yemācs vmb ein recht wol bezalten pfenning
lyessen/yetz aber so es die Lādes knecht vmb süß fressen vñ
schlage/so hōnen sy wie die wölff/durffen nit ein wort dar
wiß sage/da sind sich jr vntrew/vnd trifft jrē Herrn selber.

Wie haben sy etlich reichs tåg her mit schinden vnd ver
kauffen/habern/hew/stro/holtz/ēlber/vnd schmalz oder
was das mag sein. Die herschafft vber nūmē/bis sy dē beu
telerfult haben/so geben sy niemāt kein güte wort/was soll
jr dan die herschafft dar bey gedencen/sy muß von not we
gen durch die finger sehen/Man kñdt in villeicht wol dar
uor sein/dz mā bezalet was man es vñ trunck/so haben die
hern jr groß vntrew wol gesehen/vnd jr vnzüchtigs müt
willigs solß leben noch täglich wol sehen vnd mercken/das
sy wed Gott noch dē teuffel meer forchten/Wolā es wirt ey
ner kñmen den müssen sy forchten/dē tā sy pennig machen/
es wil doch süß kein straff an in helfen.

Nūn so muß es Gott im hymel erbarmē/wie so gar kein
lieb/kein forcht/kein glaub/kein trew/vnnnd kein gerechtig
keit mehr auff erden ist/vñ als ding auffß hochst kñmen/dz
es schier verheyttet vñ ärger nymmer kan werden. Es ver
mant mich d spruch Osea am. iij. so offte/dz er spricht/es ist
kein warheit/es ist kein kunst mehr auff d erden Gottes/dz
ich sorg dieweil so gar kein besserung/kein glaub/kein lieb/
kein trew/vnd kein warheit mer in d welt ist. Es werd vns
Gott so jamerlich/mit geyslen/mit pestelenzen/mit sterbē/
vñ andēn plagen schlage/dz d die kaum wirt daruō kñmē.

Darūb so wer es noch zeit/dz wir abfunde vñ bösen vñ
besser.

besserten vnser leben/vnd thetten güts vnd bekereten vns
zu Got/vnd bātten den vmb gnad/vnd rufften in vmb hilf
an/Er kan vns noch so wol helfen/vnd vom Türcken er
retten als vor tausent jaren/wie lesen wir von der heil
ligen Judit/da Holofermus mit gewaltigen vnzelichen hōr
das volck Israhel vberzog. Judit am. vj. Vñ die grosse stadt
Bethulia mit hōß krafft belegert/vnnnd in das wasser ver
sperrt. Da wolt Oza d oberst d statt/wo in Got nit hilff
in funff tagē den Assyriern die statt vber gebē/dodis Judit
sprach sy. Was ist das/dar ein Ozaas verwilligt hat/
das er die stat/so got in funff tagen nit hilff/den Assyriern
vber geben wil/wer seind doch jr/das jr dē hern versucht/
dieser ratschlag reitz nit zu gnad/so d zu zorn/solt jr d barm
hertzigkeit Gottes ein zeit setze/Die weil aber d Herr demü
tig ist/so lassent vns vil mehr vns bessern/vñ sein gnad mit
aufgoshen trāhern begern/dan Got troett nit wie ein mē
sche/wirt auch nit zu zorn bewegt wie die menschen kinder/
vnd darumb lassent vns vñ herten vor in nider fallen/
vñ mit diemüttigē geyst/in dienen/vnd mit weinetten au
gen sprechen zum Herrn/dz er nach seinem willen vñ erbar
mung mit vns handle/das vnser hertz gediemüttigt vñ er
nydert werd/vnd sich seiner gnad vnd hilff müg trösten.
Secht wie einē radt gibt dieses weib/die ein verlassene wie
we ward Manasses.

Die weil wir dau nū auch mit vil anstossen/ja mit vil gro
ßer ansechtung angst vñ not des Türcken/d Pestilenzen/
des sterbens vnd andern gefeligkeiten vberladen/vñ täg
lich gewartten müssen. Ey so solt vns doch pillich/setlich
trübseligkeit dar zu bewegen/bey Gott hilff zu suchen/vñ
in ernstlich mit gangen krefftē vnd diemüttigen herten/
im geist vnd in der warheit an betten/das er vns durch Je
sum Christum erhört/vnd sein gewaltige hand ab züg/vñ
vns vor dem wicterten seind d Christenheit beschymet.

On

On allen zweiffel die weil wir vns so besserten/vñ in vmb
hülff anrufften/ er würd sich auch zu vns keren vñ vñser
bitt erhören/vñd vns auß nöthen helfen/ ja er würd dem
Türcken on zweiffel wol weren. Er kñ in on alle wör im an
genplick zu grund schlagen. Er ist als wol gnaden reich vñ
barmhertzig als er ye gewesen ist/wirt auch ymer vñ ewig
gerecht vñd barmhertzig bleiben.

Der wöll vns noch durch Jesum Christum seinen Sün
vnsern Herrn erhö.en. Dem sey lob/ehre/vñd preys/vñm
an/vñd in ewigkeyt/ Amen.

Wer dich vom bösen/vñd thū gñts.

Wolff Cantzler ein vñnützer knecht des Herrn.



